

Na osnovu člana 15. Zakona o principima lokalne samouprave u Federaciji BiH ("Sl. novine Federacije BiH" br. 49/06 i 51/09), člana 56. Statuta općine Kalesija - Prečišćeni tekst ("Sl. glasnik Općine Kalesija" br. 10/07, 7/08, 10/11, 3/12 i 6/13) i člana 41.stav 2 u vezi sa članom 6. Zakona o kontroli ograničenoj upotrebi duhana, duhanskih i ostalih proizvoda za pušenje („Sl. novine Federacije BiH“ broj 38/22), Općinski načelnik, d o n o s i

O D L U K U
o zabrani pušenja u prostorijama organa uprave Općini Kalesija

Član 1.

Ovom Odlukom osigurava se provedba mjere zabrane pušenja u svim prostorijama organa uprave Općini Kalesija u skladu sa članom 6. Zakona o kontroli i ograničenoj upotrebi duhana, duhanskih i ostalih proizvoda za pušenje („Sl. novine Federacije Bosne i Hercegovine“ broj 38/22).

Član 2.

Zabranjuje se pušenje, odnosno upotreba duhana, duhanskih i ostalih proizvoda za pušenje, uključujući elektronske cigarete, bezdimne duhanske proizvode i biljne proizvode za pušenje, u svim prostorijama Općine Kalesija.

Član 3.

Pod prostorijama Općine Kalesija u smislu ove Odluke a u vezi sa definicijom javnog zatvorenog prostora i mjesta rada iz člana 2. Zakona o kontroli i ograničenoj upotrebi duhana, duhanskih i ostalih proizvoda za pušenje, podrazumijeva se svaki prostor koji koriste uposlenici organa uprave pri obavljanju poslova iz svoje nadležnosti (kancelarije, sale za sastanke, prostorije PVJ i ostalo), svi povezani i drugi pripadajući javni zatvoreni prostori (hodnici, stubišta, zajednički prostori, toaleti i sl.) kao i motorna vozila u vlasništvu Općine.

Član 4.

Odredbe ove Odluke odnose se na sve uposlenike Općine Kalesija, kao i na druge osobe koje privremeno ili povremeno borave u prostorijama Općine Kalesija.

Član 5.

U svim prostorijama iz člana 2. ove Odluke postaviti će se jasno vidljiva upozorenja koja se sastoje od grafičkog znaka zabrane pušenja i teksta koji glasi "Zabranjeno pušenje" i u navedenim prostorijama ne smiju biti postavljene pepeljare ili druge posude koje mogu poslužiti za odlaganje pepela.

Član 6.

Uposlenici Općine Kalesija kao i druge osobe koje privremeno ili povremeno borave u prostorijama Općine Kalesija koji se ne budu pridržavali odredbi ove Odluke podliježu sankcijama propisanim zakonom i podzakonskim propisima.

Član 7.

Ova Odluka stupa na snagu danom donošenja i ista će biti objavljena na oglasnoj ploči i web stranici Općine Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-04-2-1508
Datum: 27.03.2026. godine

OPĆINSKI NAČELNIK
Nermin Mujkanović, MA iur.